

CARTA NU GUTHEL·LA' APÓSTOL SAN JUDAS PARA ITUTE YÉTSILOYU

La Epístola Universal De

SAN JUDAS APÓSTOL

¹Inte! Judas bettsi' Jacobo rudíania' le ca títisi' porqui'ni inte' nna ná bá' para gunia' nu rú'ulatsi' Jesucristua para iyaba lebi'í. Dios Padre qui' rí'ua nna chi huá gutà'ye le nna, chi ná le enne' qui'e ttùba lani Jesucristua enne' rui'e le cuidado. ²Rinábania' Tata Dios qui'ni gúnibia' le adí tse' ti'iya iñeni ná la' retúalatsi' qui'e lani le, a'hua qui'ni gunie le bendecir lani la'iñeni nna la' tsí'ilatsi' qui'e nna.

³Lebi'í hermanos to' quia', uccua látsa'a' gudíania' le ttu carta para ttélíni le adí tse' ti'iya iñeni ná la' retúalatsi' qui' Jesucristua lani ri'u acca bedilè ri'u. Pero hua yua' qui'ni tse'e le lo peligro, acca caduel·la' eyunna' adí fuerza qui' le para qui'ni ecàbini le canu rinne cã contra ca títsa' lí nu rulue' ti'iya modo l·lá ri'u por làteruba Cristo Jesús, tsa teruba chi benna Tata Dios ca títisi' lani ri'u para siempre porqui'ni chi becu'e ri'u nna chi ná ri'u enne' qui'e. ⁴A' nia' le porqui'ni

tuchùppa ca enne' nna rà'a cã le' reunión qui' canu ríalatsi' ti'átsi ná cã ttùba hermano lani ri'u. Dèdèba néru chi ra lo títsa' qui' Tata Dios qui'ni chi gulèqqwie sentencia qui' qui'. Enne' tul·la' ná cã nna ruttsiáni cã nu ra lo títsa' qui' Tata Dios acerca de la' retúalatsi' qui'e, para gappa cã néda guni cã la' ridàlatsi' mal qui' qui' Labí ríalatsi' qui' Tata Dios màsqui'ba là terúbée rigú'ubi'e lo iyate, nìhua labí ríalatsi' qui' Xana' Ri'u Jesucristua. ⁵Lebi'í nna chi yù le nu uccua lani ca enne' tiempo antigua, pero calátsa'a' quixa'ánia' le attu vuelta. Canu yétsi Israel nna priméru te bedilè cã lo peligro nu tse'e cã nna bebèqqwie cã le' país láq Egipto, pero después nna belùye latsi' la'a mísmuba ca enne' Israel, iyaba canu labí huíalatsi' qui' ne. ⁶A'hua ca ángelia canu labí uccua cã conformar lani poder nu bete Tata Dios qui' qui' sino biria cã le' lugar nu betie qui' qui', acca chi yù'u cã yàre' le' ttu

lugar chul-la nna yīquua çà lani cadena para siempre para qui'ni canchu chi i'yu tsá juíciua. ⁷Ca ciudad antigua lá çà Sodoma nna Gomorra nna lani ca yétsi to' canu anta' luftta' quí beni hua çà tul-la' ridualàni çà lani attu nuhuaya', hàsta nubeyu' lani nubeyu' beni çà nu labí ná qui'ni guni luetsi quí. Acca guthèl-la' Tata Dios castigo lani çà para qui'ni cca çà sufrir lani yí'a para siempre a'hua para qui'ni ri'u nna hue' ri'u cuidado làa guni ri'u mal tì' beni çà. ⁸A'hua ca enne' canu runi ti'atsi ná çà ttùba hermano lani ri'u pero labí líni çà, làçà nna runi çà según nu rinèni çà yèlà ba nna runi çà lani adí ca enne' biya tediba la' ridàlatsi' mal nu rú'ulatsi' quí. Rugà'na menos çà la'huacca qui' Tata Dios nna rinne çà mal contra iyaba nu té poder qui' quí. ⁹Atsi'íni ángel lá bí Miguel nna màsqui'ba ná bi ángel nu dàcca' adiru, pero loti' gùtti Moisés enne' gùdua tiempo antigua, làniana uccua latsi' numalua édi'q cuerpo qui' Moisés, acca gutìl-la' ángel Miguel lani numalua por cuerpo qui' Moisés pero bihua guté' bi iququí para ccá condenar, sino gunne bi idítsani nna ra bi a: Señor nna tíl-lée lani lu'. ¹⁰Pero ca enne' tul-la' tse'e lani le annana hua reyáyani çà inne çà mal contra iyaba nu labí yù çà. Làçà nna nabia'ni çà làteruba nu ridàlatsi' quí tì'a runi ca animal, pero por ca cosà' nna nitti ba çà. ¹¹Ica'rútsi'íru çà porqui'ni runi çà tì'a beni Cain enne' labí beni Tata Dios obedecer nna bèttià bettsi' to' niá. A'hua por titó' bel-liu acca labí riquixa'a çà ca titsa' lí, tì'a tul-la'

nu beni Balaam. A'hua reyáyani çà edúdítsini çà ca enne' rinne parte Tata Dios, acca nitti ba çà tì'a Core enne' benia contra Moisés nna biya' loyu làti guduà nna beníttiluà. ¹²A'hua ca enne' tul-la' tse'e lani le annana, ril-lani çà ro çà junto lani le ti'iyà ba ccàni qui' quí nna ridi' çà por provecho qui' la'a terúbá quí sin la' réttu'ló, pero lebi'i nna tse'e le lo peligro por causa qui' quí.

Yala ofrecer runi çà lani ca enne', pero nìdi titó' labí runi çà biya ra çà ca enne'. Tì'a runi ca bía canchu dia çà rì'a rì'ì bá ca yú bitsi nna ti'átsi ttu iyya dílaní guni çà, pero nìdiruba titó' iyya labí runi çà.

Chi betse'e latsi' quí ca titsa' lí después de chi ra çà qui'ni chi ríalatsi''quí, acca áchúppa vuelta chi ná çà yatti para nitti çà. Tì'a ca yà nu ná qui'ni cuía fruta qui' quí, pero labí biya fruta runna çà porqui'ni chi gubitsi l-lú quí nna chi gùtti çà, labiru riyu' çà para biya acca ilàtsu' çà na. ¹³Iyaba ca lugar làti dia ca enne' túl-la'á nna yala rettu'ni ca enne' porqui'ni rilá'ni çà ti'iyà ná la' ridàlatsi' mal nu runi çà. Tì'a ttu indatò' canchu chi ridulíq fuerte ní nna ribèqquià ca yíyì fuera reyà'na tià lo yúyì, làniana ilá'ni ca enne'.

Yala rebàta' çà pero tse'e çà le' chul-la ba, acca chi beni Tata Dios çà sentenciar para tsía çà le' lugar adiru chul-la, tì'a ca bélia canu labiru rudàni' çà nna dia çà le' chul-la para siempre. ¹⁴⁻¹⁵Enoc, enne' gùlia bi le' gàtsi generaciòn después de Adán. Por ca titsa' nu gutixà'a bi tiempo lanía nna beni bi declarar nu cca qui' ca ènni'a a'hua

qui' canu tse'e çà annana, nna ra bi: Línna'áruhuá rá', chi da' Señor dèsdèba ÿiabara', à'hua ÿé mili' ca enne' nna ca ángeli nna da' hua cabi lani e, para qui'ni iyáÿiate ca enne' nna tsé'e çà ru'a lúe para cca çà juzgar nna gunie declarar dàcca'lo taá nu beni çà, para qui'ni iyaba ca enne' tul·la' nna ccá çà sentenciar por ca mal nu beni çà de begà'na menos çà ne, à'hua porqui'ni bedúdítsini çà ne lani titsa' mal qui' qui' nna bebàta' çà por ca tul·la' qui' qui'. ¹⁶Ca ènni'a nna labí reyà'na çà conforme lani la' ritè qui' qui' nna riyèyya çà contra iyaba nna, rugua' ÿíyya'ní çà ca enne' por nu ridacca' çà; runi çà obedecer ca la' ridàlatsi' mal qui' qui'; rebàta' çà ti'átsi' yala enne' ÿeni chi ná çà; yala rudàliani çà ca enne' pero álahua hualíni çà, sino por ttu interés bá ribèda çà.

¹⁷Pero lebi'ì hermanos to' quia', ná qui'ni éxalatsi' le tulidàba ca titsa' nu gutixa'a ca apóstol, ca mensajero qui' Xana' Ri'u Jesucristua. ¹⁸Porqui'ni ca apóstol nna ra cabi qui'ni canchu chi i'yu ca último tsá nna tsé'e canu guÿítsini çà le nna eyila bá çà ti'iyá modo edácca'ni çà adí de runi çà biÿa tediba mal nu ridàlatsi' qui'. ¹⁹Ca nui nna rutil·la çà ca enne' para íl·la'ání luetsi le nna runi çà biÿa tediba cosa nu rú'ulatsi' yétsiloyu; labí nabi'ni çà nuÿa nuá ná Espíritu Santo. ²⁰Pero lebi'ì

hermanos to' quia', ná qui'ni guni le seguir tulidàba ca enseñanza lí nu ríalatsi' ri'u, porqui'ni ná cimientu nu beni Tata Dios para la'labàni qui' ri'u. À'hua ná qui'ni guni le oración tulidàba lani la'huacca qui' Espíritu Santo. ²¹Líbíga' lani Tata Dios tulidàba para qui'ni ccá lé bendecir por la' tsí'ílatsi' qui'e, de ribèda le qui'ni i'yu tsá qui'ni Xana' Ri'u Jesucristua nna íchi'e le para la'labàni nu labí ttíq' qui' le, por la' retúalatsi' qui'e.

²²Leyila modo para qui'ni canu rudu chùppaniq' çà nna tsíalatsi' qui'. ²³Ttu te ca enne' nna, ná qui'ni ebequía le çà lo peligro nu tse'e çà para qui'ni l·lá huá çà. Pero adí ca enne' nna, liulue' qui'ni té la' retúalatsi' lo losto' le para lani çà, pero lani la' rátsilatsi' de ruyudí' le hasta ca lári' nu gaccu' çà porqui'ni ná çà enne' tul·la'.

²⁴⁻²⁵Tutèruba Tata Dios dua, là terúbée yùe iyate, née enne' rudilè ri'u. Lèe nna té la'huacca qui'e para làa guni le biÿa mal, à'hua para gunie le presentar ru'a lúe sin biÿa falta ni lani la' redacca' latsi' lo losto' le de tsé'e le le' la'yani' qui'e. Lèe nna què merecer qui'ni gudàliani ri'u e tulidàba, porqui'ni née adiru enne' ÿeni nna rigú'ubi'e lo iyate lani itute poder qui'e, dèsdèba néru hàstaba anna para siempre.

Amén.